

昭平縣志
42
31-8



昭平縣志
卷一

民國廿三年歲次甲戌

昭平縣誌

昭平縣志

廣州市西關洪壽直街大明承印

重修昭平縣志序

余宦遊粵西閱年二十有三矣每至一縣於本處之山川風俗文物典章無不留心體察詳加考覈用筆記之非徒以博遊覽之名實欲將足迹所至耳目所周彙識成編藉作政治參攷之材料也丙寅首夏奉命出宰昭平下車伊始照例盤查戶口田賦及疆里經界諸大端乃前任絕少移交繙閱檔案除近日破碎卷宗外圖書冊籍蕩焉無存此亦因變亂之後重要案件強半散佚無足怪者乃搜求縣志得乾隆庚辰前邑令陸公焯所輯八卷經邑紳李君俊然於光緒辛卯翻刻者也閱之魯魚亥豕訛舛良多且自乾隆庚辰至今已百七十餘年矣無論時事變更情形殊異卽此百七十年間龍變雲蒸治亂迭嬗當不乏可傳之事可紀之人一任

昭平縣志

卷一序

壹

廣州市西關洪壽直街大明承印

文獻凋零毫無紀載豈所以重掌故而昭信史乎乃徵集全邑士紳提議重修縣志得悉前縣長馮公介廉曾於民國八年延請邑紳黎君伴修纂因經費無着馮已去職黎又物故遂成畫餅茲各紳熱心提倡期在必成踴躍勸募捐款三閱月卽募集省幣三千元急公好義於此可見一斑吳副貢壽崧梁歲貢材鴻昭邑名士也慨然擔任編輯於丁卯春成立修志局並介紹各區紳衿請縣加委分途採訪以期翔實而免遺漏經營年餘彙集成冊交余核閱見其眉目朗然內容宏富私心竊喜恐紀載尙有不實不盡之處復於開全縣團務會議之際將全冊發交大會由各紳逐類審查應更正者更正之應刪除者刪除之審查告竣余再詳細校閱綜覈編纂綱目務求聯貫體例務求精嚴筆削予奪或取諸公評

或參以己見濡毫吮墨廢寢忘餐伏案兩閱月始得告成惟余束髮受書學識謏陋多年從政筆墨疏慵勉強握管蒐集不免遺珠體裁容有未當所望後之君子加以糾正俾成不朽之書將來繼起有人徵求文獻或者有所憑藉卽以上之政府作省志之參考冀國史之修明亦庶幾土壤細流不無泰山河海之助乎豈在民國紀元十七戊辰夏五月昭平縣縣長北平李樹柟序

昭平縣志

卷一

序

三

廣州市西關洪壽直街大明承印

重修昭平縣志序

志地古無專書自唐李吉甫作郡縣志舉十道之山川方域風俗物產悉薈萃於簡端後世多仿其例於是統志之外省有省志府有府志縣有縣志而各志中尤以縣志爲要切蓋天下者縣之積也有縣志而後省志有所採擇統志得以會通所謂行遠自邇登高自卑也昭平縣志自明萬歷四十四年柯公壽愷創修越七十年至康熙辛未楊公燮重修一次又七十年至乾隆庚辰陸公焯續修一次自時厥後縣志抱殘守缺者已一百七十年於茲矣代遠年湮不免書闕有間夫昭邑東襟賀縣西枕蒙山南接蒼梧北聯平樂廣袤二百里人口十餘萬非彈丸黑子也地當衝要控府江之中堅爲平梧來往孔道帆檣輻輳絡繹不絕非偏陬僻壤也

昭平縣志

卷一序

卷

廣州市西關洪壽直街大明承印

此一百七十年間政治之變遷地方之進化以及咸同時之洪楊匪亂光宣時之新政繁興改革時之地方俶擾其可傳可紀之事較之康乾年間又豈可同日而語及今不修將來老成凋謝文獻無徵非特士夫賢能文學之選男女節義貞孝之行幽光沉沒彰瘴無資卽勝朝掌故先達遺蹟與一切典章文物無專書以紀之必致日久散佚漸滅殆盡後有賢者欲事搜羅已無憑藉數典忘祖誰實爲之孰令致之興言及此滋懼殊深前任李公梅村有見及此召集闔邑士紳提議重修縣志詢謀僉同乃捐貲設局延聘吳紳壽崧梁紳材鴻主任纂修稿脫而未付梓李公卽去職局亦解散時值政變禁擾邦人士維持地方不遑啓處棗梨之事因而擱置辛未秋余來忝長斯邑伊時匪氛未靖不得不從事緝捕乃

會同軍團辦理清鄉閱半載而匪患始清秩序恢復堪告無罪於地方又值省志局成立政府通令各縣徵取志書爰尋志稿披閱終篇列卷八內分十八部共七十八類凡縣內之山川方域風俗人文物產古蹟以及歷代沿革累朝文獻無不備載只因版費無着乃於今夏開團務會議時提出縣志出版議案僉以爲不可緩又恐底稿破碎稍有缺欠吳梁二君均已服務他方未能回里校正當以事關一縣紀載討論不厭求詳故復由大會公推縣內學問優長者數人担任校覈將底稿細加研究遺漏者補入之錯悞者更正之適值李公因事過昭便中留住數日加以斧削遂成完本抑又聞之縣志記載宜較國史而加詳國史綱舉目張滙衆流於一派貴乎言簡而意賅縣志則採風問俗壤細不遺必須文詳

昭平縣志

卷一

序

肆

廣州市西關洪壽南街大明承印

而事備故山川景物壇廟橋梁鄉土雜記之屬正史中不少概見而縣志則有聞必錄羅列無遺非好繁也體例應爾也且就人物一門言之孔子謂十室之邑必有忠信孟子論善士有鄉國天下之分凡一縣中賢良名宿可爲鄉里矜式後人表率者勢不能一一列入國史所藉以流傳盛德者舍邑志無他屬編中選舉仕宦武備人物列女各部採擇宏富美不勝收此固漸摩之化有以致之亦可見吾昭民風之厚士習之淳文章經濟忠孝節義世有其事代有其人將來治化蒸蒸日上名流碩彥接踵而起正駸駸乎其未有艾也持此以上之政府可以潤色省志用佐省局諸公鉛槧之不逮余亦與有榮施矣將付梓爲叙其緣起如此民國紀元二十一年壬申中秋昭平縣長桂林呂璜序

昭平縣志

凡例

一因時紀事志之體也因事標題志之例也是編之輯爲卷八爲部十八爲類七十有八凡輿地食貨官師藝文諸志事以時起門以類從較陸志稍爲詳悉

一天文星野古人考据精詳迥非今人之所及星分翼軫一語歷引諸史信而有徵

一疆域道里之遠近今昔微有不同昔以九里半爲限者今已將上五二五各都及昭平見龍兩里附近地劃隸鍾山是而區分詳載以清界址

一沿革封建舊志不無掛漏特爲考據詳明俾秦漢以後隸屬

昭平縣志

卷一

例言

伍

廣州市西關洪壽直街大明承印

名稱了然在目

一山川門陸志所登當時形勝已存其大概然人傑地靈有昔爲草昧之區風氣開而文明日啓山川亦爲之生色者爲逐加增入以志鍾毓之奇

一水利不論河流之廣狹卽井泉溝洫其有關於生人之飲食物產之滋灌者均爲分別源流概予紀載

一城池衙署自再遷西岸後明末至今城惟僅具規模衙則僅存縣署其餘或已廢曠或經改易今昔懸殊非沿流溯源歷加考証詳紀其時其地其名無以信今而傳後

一壇廟祀典所載凡有功於民則祀之各地之所建立必其先曾蔭佑一方因留紀念本福善禍淫之理隆報功崇德之心

以此見神道之不可誣而民情之不容已也

一古蹟名勝無地無之事隔百餘年有昔未建造而今已視爲靈光昔屬叢荒而今已成爲勝境此固遊覽者之所必需抑亦考古者之所不廢也

一廂里鄉村墟市時代屢更興廢不一有昔有今無昔無今有者均隨地注明俾得所依據

一學校一門爲禮教所自出爲風化所由關凡一切禮樂典章本爲天下所同有而不能謂己可獨無均爲詳登以資考據

一田賦周秦以後代有變更至清則起運存留俱照賦役全書自民五清賦將一切零餘拋刷改歸實數於以杜胥吏之舞弊亦因時制宜之一法也

昭平縣志

卷一

例言

陸

廣州市西關洪壽直街大明承印

一倉儲權稅銷引舊制日就淪亡顧此爲一邑裕國養民之本無其實要不可不存其名

一歷代設官名稱不一今考其分隸各朝官職或裁或設皆詳載年分以便檢閱惟自乾隆二十六年後年代久遠檔冊蠹爛無存名多遺佚至雜職土司之久經裁廢者亦姑具其官以作史之闕文可也

一名官前經陸志補輯又已百七十年來暮興歌去思致咏代有其人爲之因時加入俾甘棠遺愛長在人間

一選舉歷朝取士或以德行或以文章莫不人才輩出蔚爲國華今卽其由科目出身者按年考証登之以光簡冊

一仕宦爲國家崇賢之道封贈爲生人報本之文可以誌一代

之典章可以增一方之榮寵事以類紀例得備爲列之

一武備所以保衛地方苟其人忠義素著或立功於平日或殉難於臨時實足以留兩間之正氣而維一世之人心亟宜誌之以昭獎勵

一人物門文章經濟忠孝廉節大造生才不擇地昭雖褊小亦代不乏人自清乾隆中葉迄今事隔多年遺漏已不知凡幾今僅據采訪所及詳爲紀載

一耆壽非年登九十例不入志第事有相因而見者苟已五代同堂則必羣而將羣並得附記以爲高年之慶

一節烈陸志以人數無多概以烈女一門統之厥後風化日開窮鄉匹婦咸知守義而白首完貞者所在多有亟宜別類分

昭平縣志

卷一 例言

柒

廣州市西關洪善直街大明承印

門以彰潛德雖例非邀請旌表不得入志第果實行相孚或當道表揚或鄉評允協悉予詳誌

一列女除節烈另行分類外他如賢媛孝婦貞女闡範所昭殊不數覲不妨連類記之

一物產動物植物礦物名類甚繁其爲邑出之大宗者特產者有裨於國計民生而應時勢之取求者載之普通常有者刪之

一夷民昭邑歷有猺獞兩種在昔均以頑梗聞自明末總督戴燿大征而後經二百餘年潛移默化今皆編戶爲氓相安無事前人之功固不可沒也

一氣候之寒溫風土之厚薄習俗之奢儉爲一方之興敗盛衰

所係而祥異因之爲連類以記

一藝文分詩文兩類必前人佳構有關於本邑之建造設施山川人物誌之足以徵一朝之事實播千秋之風雅者也閑文縱有佳構概不敢錄

一事有與於昭而不僅與於昭者采之而有聞必錄載之而無類可從陸志特增外紀一門以統之此亦體例之不可無也
一是志遠溯前編近採訪冊兼採省府各志及援引他書以期詳審庶幾得所徵信云

昭平縣志

目錄

卷一

攷據部

源流

星野

疆域道里附圖說

沿革

封建

卷二

輿地部

山要隘附

川河流附

水利部

井泉

池塘

陂圳

溝洫

昭平縣志

卷一 目錄

玖

廣州市西關洪壽直街大明承印

建置部

城池

公所

倉儲

壇宇

道路

兵防

驛站郵政附津梁

卷三

古蹟部

遺跡金石附坊表

林墓

學校部

學宮

崇祀附各典禮

學額

學田

書院社學義學附學校

田賦部

戶口

錢糧

權稅

卷四

秩官部

職官附興除名官

選舉部

進士 舉人 五貢 武甲 武科 大學畢業

卷五

仕宦部

官塔 官蹟 封贈

武備部

武功 忠烈 義勇

人物部

賢能 果行 師儒 孝友

昭平縣志

卷一 目錄

拾

廣州市西關洪壽直街大明承印

慈善 義士 隱逸 寓賢

遷客 仙釋 耆壽

卷六

列女部

賢媛 節婦 貞婦 義婦

烈婦 烈女 貞女 孝女

物產部

植物 動物 礦物 製造物

卷七

風土部

風俗 氣候歲占附 祥異兵燹附

夷民部

獠

獠

卷八

藝文部

詩歌

文記

外紀部

雜誌

民國紀畧

昭平縣志

卷一

目錄

壹壹

廣州市西關洪壽直街大明承印

昭平縣志

姓氏

總編輯

李樹枏

霖村直隸盧龍人光緒癸卯科舉人揀發廣西知縣現署昭平縣縣長

編輯員

吳壽崧

副貢生

邱應祺

恩貢生

梁材鴻

歲貢生

吳福鴻

廩生

采訪員

羅家承

昭平縣志

卷一 目錄

壹式

廣州市西關洪書直街大明承印

梁材洵

庠生廣東蠶業學堂畢業

嚴源洸

陳善

庠生

黃朝柱

庠生

唐立瓊

庠生

吳肇周

庠生

邱蔭貽

庠生

邱煦春

黃國傑

吳祇承

庠生

吳廷柱

歲貢生

邱應祚 法政畢業生

鍾銘勳 法政畢業生

邱克誠 庠生

邱恩溥

植挺蘭

勞匡朝 庠生

蒙肇基 昭平師範傳習所畢業廣西農林試驗場兼講習所肄業

李識荆 庠生

李良材 庠生

李佩玟 庠生

鄧善治 庠生

昭平縣志 卷一 目錄

羅卿雲 庠生

陸存修 庠生

葉萬鵬 庠生

葉芹英 庠生

審查員

黎漢昌

黃如璧 庠生

丘克誠 庠生

羅瑞雲 庠生

李良材 增生廣西法政學校畢業

梁材澂 增生廣西法政學校畢業

莫揚波 廣西初級師範學校畢業

黎旭 廣東黃埔陸軍學校畢業

校對員

馮昭益 庠生

梁材洵 庠生

謄錄員

吳建功 桂林工業學校畢業

丘廷佑 昭平師範講習所畢業

丘克誠 庠生

昭平縣志卷一

攷據部

志乘首重考據與訓詁學有別矧一縣之大尋流溯源按星分野以及疆域之劃分地圖之測繪古今之沿革封建之變遷斷非空言所能補茲特旁搜博採加以實地考察將縣志之緣起別以源流一類附以星野疆域圖說沿革封建五類彙爲一編弁之卷首庶幾信而有徵焉編者識

源流

縣志猶國史也所以徵一代之典章表一方之文物以垂之無窮事綦重也苟非考古無以証今昭之爲邑自秦漢以來朝代迭更屬稱各異至宋宣和始有昭平之名至明萬曆始定昭平之界而

昭平縣志

卷一

攷據部 源流

壹伍

廣州市西關洪壽直街大明承印

邑之有志實肇自明萬曆四十四年邑令柯公壽愷越七十年清康熙辛未楊公燮重修又七十年乾隆庚辰陸公焯續修楊志簡畧不足憑陸志實續柯志而修者計自萬曆四十四年至乾隆庚辰已越百四十年自庚辰至今又百七十年矣年湮世遠簡斷篇殘同治己巳經邑人李君俊然擬翻刻未就光緒辛卯李君再行翻刻陸志幸存李君力也而自陸志後百餘年之事蹟仍然泯沒不彰民國丙寅李公樹枏臨蒞吾昭到任以來百廢具舉而於邑志尤殷殷致意召集同人倡議修輯羣情踴躍樂與觀成爰於丁卯之春集資重修而爲總其始末循厥源流考縣志之興廢來歷以繼紹前休焉編者識

前明萬曆丁巳北陀撫夷同知李友梅序昭平令柯壽愷縣志曰

